

CAFÉ VERRÜCKT



Einladung

zur 16. Sitzung

am 15. August 2017, um 11h,

im Café Mariandl

in München

**zur Lektüre eines Gedichts
von Hans Sachs**

DER VERKERT PAWER

(1531)

Ein Dorf in einem pären sas,
Der geren milch und loffel as
Mit einem grosen ecke;
Vier wegen spant er an ein pfert,
Sein küch stant miten in dem hert,
Vier haws so het sein ecke;
Wol umb sein zaün so ging ein hof,
Aus kes macht er vil milich,
In das prot schos er sein packof;
Von gippen war sein zwilich,
Miten in seinem offen stand sein stüeben,
Felt grüeb er aus den rüeben,
Vol stadel lag sein hay,
Aß zwey pad aüf ein ay.

Drey stell het er in einem rind,
Zwelf weib het er mit seinem kind,
Aüf weicz drasch er sein tennen.
Vor seinem hunt hing ein pos haws,
Vil kaczen fing sein starcke maüs,
Vil mist lof aüf sein hennen.
Mit dem acker füler er gen pflüeg,
Drasch mit koren sein flegel,
Den wald er aus dem prennholcz züeg,
Klob mit eim scheid sein schlegel;
Vil schöner gerten het er aüf seim päumen,
Mit sewen mest sein pfläumen,
Vol kast sein koren was,
Vol wisen stünd sein gras.

